



Dogathon 2008 UPM diiktiraf Malaysia Book of Records



Prof. Dr. Bashir Ahmad Fateh Mohamad memberikan cenderamata kepada Tan Sri Syed Jalaluddin Syed Salim.

SERDANG, 10 Ogos - Penganjuran Dogathon 2008 oleh Kelab Zoological, Fakulti Perubatan Veterinar, Universiti Putra Malaysia (UPM) yang melibatkan 611 ekor anjing telah diiktiraf oleh Malaysia Book of Records sebagai "Biggest Dog Gathering In Malaysia" di Bukit Ekspo, UPM baru-baru ini.

Program yang bertemakan "AEROSPACE –Astronaut, Asteroids, Astrodogs..Woof off!" telah dihadiri lebih 1500 penonton yang ingin melihat dengan lebih dekat program tersebut.

Pengarah Program Dogathon 2008, Yew Ee Ling berkata penyertaan juga diterima daripada Persatuan Petpositive yang ahlinya terdiri daripada orang kurang upaya dan warga emas yang menggunakan haiwan kesayangan untuk membantu kehidupan mereka.

"NGO seperti Society for the Prevention of Cruelty to Animals (SPCA), Progressive Animals Welfare Society (PAWS), World Wide Fund For Nature (WWF) dan Malaysian National Animal Welfare Foundation (MNAWF) turut terlibat dalam program itu," katanya.

Ee Ling berkata sebanyak 39 ruang pameran didirikan oleh penaja dan NGO untuk memperkenalkan produk dan perkhidmatan anjing seperti makanan dan nutrisi, pakaian, katil, aksesori dan beg.

Beliau menambah program itu bertujuan untuk menyemai tanggungjawab pemilikan binatang peliharaan dan mengumpul wang untuk projek kebajikan, "Pro-Kasih" iaitu program catch-neuter-release serta meningkatkan kesedaran umum dengan mengajar pengetahuan veterinari profesional.

Seorang peserta dari British, Debbie Fitch berkata Dogathon telah memberinya pengalaman manis kerana ia adalah pengalamannya kali pertama.

"Saya bersama dua anak saya membawa tiga ekor anjing yang bernama Husky, Pimms dan Sammy menyertai kategori Space Race dan Fastest Eating Duo dalam pertandingan itu," katanya.



Tan Sri Syed Jalaluddin Syed Salim memberikan ucapan perasmian pada program Dogathon 2008.

Program tersebut yang telah berjaya memupuk kemahiran berpasukan, kepimpinan dan komunikasi pelajar telah dirasmikan oleh Pengerusi Lembaga Pengarah UPM, Tan Sri Syed Jalaluddin Syed Salim.

Turut hadir Timbalan Naib Canselor Jaringan Industri dan Masyarakat, Prof. Dr. Tai Shzee Yew, Dekan Fakulti Perubatan Veterinar, Prof. Dr. Bashir Ahmad Fateh Mohamad dan Pengerusi Petpositive yang juga ahli Majlis Bandaraya Petaling Jaya, Anthony Thanasayan.

Oleh Unit Media, Bahagian Komunikasi Korporat, UPM.